

ՀԱՅԱՍՏԱՆԻ ԳԻՏՆԱԿԱՆՆԵՐԻ ՊԱՏՎԻ ԽՆԳԻՐԸ

Նույնիմանի 29-ին հայ ժողովուրդը կնքի իր ազգային տունը՝ Հայաստանում սովետական կարգերի հաստատման 36-րդ տարեգարձը:

Սովետական իշխանության շնորհիվ հայ ժողովուրդը ձեռք բերեց ոչ միայն իր երազած ազատ ու երջանիկ կյանքը, այլև ստացավ հայրենական գիտությունը զարգացնելու անսահման հնարավորություններ: Հազարամյակների պատմություն, կուլտուրական հարուստ ժառանգություն ունեցող հայ ժողովուրդը միայն Սովետական իշխանության օրով կարողացավ ստեղծել իր Գիտությունների ակադեմիան, որի սխտեմում ներկայումս գործում է 22 գիտահետազոտական միավոր, աչելի բան 540 գիտական աշխատողներով:

Հայկական ՍՍՌ Գիտությունների ակադեմիան՝ ՍՍՌԿ Գիտությունների ակադեմիայի ազգային ջոկատներից մեկը, շրջապատված Կոմունիստական պարտիայի և Սովետական կառավարության հոգատարությամբ, դարձել է մեր ռեսպուբլիկայի գիտական մշտնի կենտրոնը, նրա պարծանքը: Այստեղ է համախմբված չիտության ամենատարբեր բնագավառների մեր թե՛ փորձառու, և թե՛ երիտասարդ կարգերի մեծ մասը: Հայկական ակադեմիան պարծենում է իր շատ գիտնականներով, որոնք համամիութենական և համաշխարհային հռչակ ունեն:

Ակադեմիայի բաժանմունքների և ընդհանուր ժողովի նիստերում օրերս տեղի ունեցան նոր ակադեմիկոսների և թղթակից-անդամների ընտրություններ:

Ընտրությունների արդյունքներն արգեն հայտնի են: Մեր հասարակայնությունը ուրախ է իր ակադեմիայի իսկական անդամների շարքերում տեսնելու բազմավաստակ արվեստագետ, գույների կախարհ վարպետ Մ. Ս. Սարյանին, հայկական բանասիրության խորագիտակ Ա. Բ. Կարինյանին, տաղանդավոր մաթեմատիկոս Մ. Մ. Զրբաշյանին, ռեսպուբլիկայի արդյունաբերական ձեռնարկությունների աշխատողներին և մասնագետներին շրջաններին լավ հայտնի Մ. Վ. Կասյանին, Ս. Ս. Մկրտչյանին, բժշկական պրակտիկայի անխոնջ գործիչ, անվանի մասնագետ Բ. Ա. Ֆանարչյանին, գյուղատնտեսության և բիոլոգիական գիտությունների բազմավաստակ գործիչներ Գ. Խ. Աղաջանյանին և Մ. Ա. Տեր-Կարապետյաններից ամենակրտսերը՝ Սերգեյ Մերգելյանը: Արտակարգ տաղանդով օժտված այս երիտասարդը 28 տարեկան հասակում կանգնեց գիտական գործունեության երկարամյա ճանապարհ անցած գիտնականների կողքին, հրապարակի վրա դնելով իր ծանրակշիռ գիտական աշխատանքը:

Ակադեմիայի թղթակից-անդամներ են հաստատվել Զ. Ն. Աղաջյանը, Գ. Գ. Սեակը, Վ. Զ. Ռշտունին, Մ. Մ. Մկրտչյանը, Ս. Ս. Համբարձումյանը, Ն. Մ. Քոչարյանը, Է. Զ. Գավթյանը, Զ. Կ. Փանոսյանը, Ա. Զ. Գարրիելյանը, Մ. Գ. Մանվելյանը, Վ. Մ. Թառայանը, Ա. Թ. Բարայանը, Մ. Զ. Սիմոնովը: Այս գիտնականներից ամեն

մեկն իր խոսքն է ասել գիտության այն բնագավառում, որին զինվորագրվել է: Նրանց մեծագույն մասը, բացի գիտահետազոտական բեղմնավոր գործունեությունից, ունի նաև մանկավարժական աշխատանքի պատկանելի փորձ, իր ուժերը ներդրել է մեր երիտասարդության կրթության և դաստիարակության շնորհակալ գործում:

Երեկ տեղի ունեցան Հայկական ՍՍՌ Գիտությունների ակադեմիայի պրեզիդենտի, վիցե-պրեզիդենտների և նախագահության անդամների ընտրությունները: Ակադեմիայի պրեզիդենտի պոստում նորից ընտրվեց ականավոր գիտնական Վիկտոր Համբարձումյանը:

Շնորհավորում ենք Հայկական ՍՍՌ Գիտությունների ակադեմիայի նոր ակադեմիկոսներին, թղթակից-անդամներին և ակադեմիայի ղեկավարությանը՝ մեծ վստահության և բարձր պատվի արժանանալու առթիվ և ցանկանում ենք նրանց բեղմնավոր աշխատանք, նորանոր հաջողությունների փառս մեր սովետական գիտության:

Բարձր պատիվը պարտավորեցնում է, ընկեր գիտնականներ: Ժողովուրդը լուրջ սպասելիքներ ունի ձեզանից: ՍՄԿՊ XX համագումարը խնդիր դրեց ամեն կերպ ամրապնդել երկրի գիտական հիմնարկների կապը արտագրության հետ, ժողովրդական տնտեսության կոնկրետ պահանջների հետ, նրանց ստեղծագործական ջանքերը կենտրոնացնել գիտատեխնիկական առավել կարևոր պրոբլեմների լուծման վրա, անշեղորեն բարձրացնել գիտության դերը կոմունիստական շինարարության պրակտիկ խնդիրների լուծման գործում:

Չի կարելի բավարար համարել արտագրության հետ մեր գիտության աշխատողների կապը: Մեր արդյունաբերության և գյուղատնտեսության աշխատողները, որոնք անձնվեր աշխատանք են կատարում ժողովրդական տնտեսության զարգացման համար, մեծապես զգում են մեր գիտնականների օգնության կարիքը: Սովետական գիտնականը չի կարող պարփակվել գիտական հաստատության պատերի մեջ: Նրա պարտքն է, ազնիվ պարտքը՝ լինել այնտեղ, որտեղ ստեղծվում են նյութական բարիքները՝ գործարաններում, հանքերում, կոլտնտեսություններում, սովորեցնել և միաժամանակ սովորել աշխատանքի մարդկանց, իր գիտելիքները ստուգել պրակտիկ փորձով և ի սպաս դնել ժողովրդական տնտեսության զարգացմանը: Այս է պահանջվում սովետական գիտնականից: Սովետական գիտությունը, մեր գիտնականները պետք է գտնվեն պարտիայի XX համագումարի պահանջների մակարդակի վրա:

Կասկած չկա, որ Հայաստանի գիտնականները, ուղեցույց ունենալով ՍՄԿՊ XX համագումարի պատմական որոշումները, իրենց բոլոր գիտելիքներն ու հոսանքը կնվիրաբերեն մեր ռեսպուբլիկայի ժողովրդական տնտեսության և կուլտուրայի հետագա ծաղկման ու բարգավաճման գործին: Դա նրանց պատվի խնդիրն է:

վե
նե
ար
շու
կե
պ
կ
ժա

պու
ժող
Ստո

դատ
քի
մաթ
համ
պու
թյան
մղվ

Պես
կար

վուր
վրա

Բու
ներ
խա
ՍՍՌ
Գու
բաժ
տի
նիս
կ.
վա
կո
ճի

ա
տ

ու
կա
դո
տ
պ
Մ
ց

Ա
վ
Ռ
Ա
մ
Լ

Բ
կ
պ
մ
Լ